




Macroeconomic Unit of the Governing Board of the Indirect Tax Authority

# *Oma Bilten*



broj  
број  
number

# 13

## Uz ovaj broj...

Veliki problem BH ekonomije jeste enorman deficit tekućeg računa koji prijete da ugrozi sve pozitivne efekte političkih i ekonomskih reformi u zemlji, kao što je uvođenje poreza na dodanu vrijednost. Bosna i Hercegovina je otvorena zemlja, pogotovo kad je riječ o uvozu, te se sva kretanja u svijetu najrazvijenih zemalja poput SAD i „zamke“ globalizacije odražavaju na makroekonomsku stabilnost zemlje. U uvjetima postojanja Valutnog odbora i „vezanih ruku“ Centralne banke u pogledu vođenja kreditno-monetarne politike kao jedini instrument kojim se može upravljati deficitom tekućeg računa u BiH ostaje fiskalna politika. U ovom broju dajemo osvrt o globalnim aspektima deficita tekućeg računa i pravcima djelovanja na smanjenje deficita tekućeg računa BiH, te o ulozi fiskalne politike i značaju posjedovanja ažurnih podataka o prihodima i rashodima nivoa uprave koje prikuplja i obrađuje Odjeljenje za makroekonomsku analizu za vođenje fiskalne politike.

Kao i do sada, u redovitom prilogu dajemo analizu naplate indirektnih poreza u BiH za mjesec juli 2006. sa kratkim osvrtom na naplatu indirektnih poreza za prvih sedam mjeseci.

Prikupljanje podataka o prihodima i rashodima od izvještajnih jedinica u mjesecu augustu je bilo dosta otežano zbog godišnjih odmora. Međutim, stekli su se uvjeti da Odjeljenje prvi put do sada objavi i mjesečni konsolidirani izvještaj za Federaciju BiH za prvi kvartal 2006.g. koji uključuje kantone i općine. Ministarstvo financija Federacije BiH, kantonalna ministarstva financija i općine učinile su veliki napor da se u sistem mjesečnog izvještavanja uključi 75 od 80 općina u Federaciji BiH. Samo je mali broj općina koje do sada nisu dostavile podatke. Odjeljenje je na temelju budžeta tih općina za 2006 izvršilo procjenu prihoda i rashoda za prvi kvartal. Očekujemo da će preostale općine vrlo brzo dostaviti stvarne podatke, a korigovane izvještaje ćemo objaviti u narednim brojevima Biltena.

Isto tako, na temelju raspoloživih, verificiranih i obrađenih podataka u ovom broju objavljujemo konsolidirane mjesečne izvještaje za fiskalne operacije jedinstvenog računa i entiteta za mjesec juli. Dajemo i konsolidirane mjesečne izvještaje za nekoliko kantona čije su sve općine dostavile mjesečne izvještaje Odjeljenju.

mr.sc. Dinka Antić  
šef Odjeljenja – supervizor

### Sadržaj:

Analiza naplate indirektnih poreza – juli 2006.	2
Deficit tekućeg računa: ekonomski debalans?	5
Konsolidovani izvještaji: opća vlada	10
Konsolidovani izvještaji: Federacija BiH	12
Konsolidovani izvještaji: kantoni	13

preveo: Edin Smailhodžić

Banja Luka: Bana Lazarevića, 78 000 Banja Luka, Tel/fax: +387 51 335 350, E-mail: oma@uino.gov.ba  
Sarajevo: Đoke Mazalića 5, 71 000 Sarajevo, Tel:+387 33 279 546, Fax:+387 33 279 625, Web: www.oma.uino.gov.ba

## Naplata indirektnih poreza – juli 2006. godine

(pripremila: mr. sc. Dinka Antić)


Analiza naplate indirektnih poreza zasniva se na podacima o:

- neto gotovinskom toku na jedinstveni račun UIO<sup>1</sup>
- ukupnoj naplati indirektnih poreza bez obzira na nivo vlade koji je izvršio naplatu (UIO ili entitetske vlade)<sup>2</sup>

U julu 2006. godine na jedinstveni račun je naplaćeno 355<sup>3</sup> mil KM indirektnih poreza u neto iznosu, što je neznatno više nego u junu 2006.g. Za sedam mjeseci 2006.godine naplaćeno je ukupno 2,4 mlrd KM indirektnih poreza u BiH neto ili za 31% više nego u istom periodu 2005.g. Pri tome je UIO naplatila 2,230 mlrd KM neto prihoda (uključujući i neusklađene prihode) ili 93%, a entitetske uprave ostatak od oko 170 mil KM.

U julu je zaustavljen pad naplate prihoda od carina i carinskih dažbina. U odnosu juni naplaćeno je neznatno više prihoda od carina, međutim, na nivou perioda januar-juli u odnosu na isti period 2005.g. naplaćeno je manje prihoda od carina za 9,38%. Nastavlja se trend rasta prihoda od akciza, te rast na nivou posmatranog perioda iznosi 7,4% u odnosu na isti period 2005. godine. U julu je zabilježen rast akciza na naftu i derivate i na uvozno pivo. Kretanje u naplati akciza i carina u posljednje dvije i pol godine dato je na grafikonu 1:

Grafikon 1.



Iz grafikona 1 se može uočiti da naplata akciza u prvih sedam mjeseci 2006.godine prati šablon naplate u prethodnih dvije godine. Kod carina uočavamo drastično smanjenje krajem 2005.godine i početkom 2006.godine te blagi rast koji je ispod realizacije prethodnih godina.

<sup>1</sup> Bruto naplatu PDV-a čini naplata PDV-a na uvoz, naplata po PDV-e prijavama i drugi slučajevi jednokratne ili prinudne naplate PDV-a. Neto naplata PDV-a se dobije nakon umanjivanja bruto naplate za iznos isplaćenog povrata. Prihodi od ostalih indirektnih poreza su umanjeni za iznose ostalih povrata sa jedinstvenog računa.


<sup>2</sup> više o problemu izvještavanja o naplaćenim indirektnim porezima u prvoj godini PDV-a u Biltenu br. 7

<sup>3</sup> UIO je naplatila i dodatnih 42,8 mil KM prihoda koji su ostali neusklađeni nakon kompilacije analitike uplata (jedinstveni račun) i analitičke evidencije obveznika u modulima IT sistema UIO (PDV, carine, akcize) na dan 31.7.2006. Iznos neusklađenih prihoda nije uključen u analizu naplate indirektnih poreza po vrstama.

Isto tako, može se uočiti da se uvođenje PDV-a nije utjecalo na uvoz akciznih proizvoda, a time i na prihode od akciza, iz razloga što je stopa PDV-a ispod stope poreza na promet na akcizne proizvode. Nasuprot tome, kod carina se uočava efekat enormnog uvoza i gomilanja zaliha svih vrsta robe pred uvođenje PDV-a. U stvari riječ je pomjeranju uvoza dobara u 2005.godinu robe koja bi se inače nabavila/uvezla u 2006.godini. Pomjeranje je imalo je određeni efekat na prihode od carina početkom 2006.godine.

Usporedba naplate PDV-a i poreza na promet moguća je jedino na ukupnom nivou bez obzira na nivo vlade koja je naplatila porez. Da bi se uporedila naplata PDV-a u 2006. sa naplatom poreza na promet u 2005. nužno je na naplatu PDV-a dodati naplatu zaostalog poreza na promet na entitetskim računima u 2006.g.<sup>4</sup> U julu 2006.g. su prihodi od PDV stagnirali, no, poredeći sa istim periodom 2005.g. u 2006.g. je naplaćeno za 54% više PDV-a i poreza na promet. Kretanje naplate ove grupe prihoda dato je na sljedećem grafikonu.

Grafikon 2.




U julu su dugovi po PDV-a malo porasli i iznose 35,287 mil KM<sup>5</sup>. Povrat PDV-a izvoznicima i ostalim licima je konstantan i iznosi oko 24,5 mil KM. U julu mjesecu je bila na snazi odredba o suspenziji povrata PDV-a obveznicima koji nisu redovni izvoznici. Od 10. augusta 2006.g. UIO je krenula sa isplatom akumuliranih poreznih kredita, tako da se očekuje porast povrata u narednim mjesecima. Isplata akumuliranih poreznih kredita realiziraće se iz sredstava rezervi na jedinstvenom računu UIO.

<sup>4</sup> Više o metodologiji za komparativno izvještavanje o naplati indirektnih poreza u 2006.g. u Biltenu br. 7

<sup>5</sup> Registrirano je 4,089 dužnika, od kojih 247 obveznika duguje 79% ukupnog duga.

U cjelini naplata indirektnih poreza, a pogotovo PDV-a, je iznad projektovane. To se može uočiti i na grafikonu 3:

Grafikon 3.



Za sedam mjeseci 2006. naplaćeno je 66% planiranog iznosa indirektnih poreza<sup>6</sup>. Ukoliko se ovakav trend u naplati nastavi do kraja godine može se očekivati da će se naplatiti za oko 10% više nego što je planirano, odnosno 17-18% više nego što je naplaćeno u 2005.godini, ako se uzme da je plan naplate indirektnih poreza u 2006.g. za 7,4% veći od stvarne naplate poreza na promet u BiH u 2005.g.

<sup>6</sup> Plan naplate indirektnih poreza u 2006.g. iznosi 3,653 mlrd KM, od čega 3,503 mlrd KM na jedinstveni račun UIO. Plan naplate je usvojilo Fiskalno vijeće BiH u oktobru 2005.g. Više o tome u Biltenu br. 3.

## Deficit tekućeg računa: ekonomski debalans?

(piše: Ognjen Đukić, makroekonomista u Odjeljenju)

### Deficit tekućeg računa SAD-a i svjetski paradoks

Jedno od najaktuelnijih pitanja u svjetskim ekonomskim odnosima danas jeste veliki deficit na tekućem računu Sjedinjenih Američkih Država (SAD) koji je krajem 2005. g. dostigao 7% BDP-a.

Deficit na tekućem računu jedne zemlje u osnovi sugerše da ta zemlja troši više nego što proizvodi<sup>7</sup>. Najvažniji element tekućeg računa jeste trgovinski bilans, koji kod SAD-a bilježi pogoršanje sa velikim brojem zemalja od kojih je najveće pogoršanje sa Kinom. Drugim riječima, SAD konstantno povećava svoju potražnju za uvoznim proizvodima što se odlikava kroz produbljivanje trgovinskog deficita. Današnji svjetski ekonomski forumi su prepuni debata o glavnim uzrocima pogoršanja eksterne pozicije SAD-a. Može se reći da su mišljenja i uglovi gledanja na ovaj problem daleko od konsenzusa. U osnovi se ovi pogledi mogu podijeliti u dvije grupe:

1. Prva grupa mišljena fokus problema stavlja na debalans unutar američke ekonomije skrećući pažnju na niske nivoe privatne štednje i konstantan rast potrošnje. Visoke cijene nekretnina i povoljni uslovi finansiranja omogućile su američkim domaćinstvima da uvećaju iznos kredita za finansiranje potrošnje. Mnogo rasprava se takođe vodi o značajnom rastu budžetskog deficita, koji je u velikom dijelu izazvan rastom javne potrošnje u vojne svrhe, i veličini njegovog doprinosa u produbljivanju tekućeg deficita. Prema tome, naglasak se stavlja na pretjeran potrošački „apetit“ kako privatnog tako i javnog sektora koji usmjerava kretanje zaduženosti američkog društva u pravcu koji je neodrživ u dugom roku.

2. Druga grupa mišljenja uzroke problema traži u debalansu globalne ekonomije. Hronično smanjenje u rastu potrošnje u drugim zemljama navelo je kompanije iz tih zemalja da se snažnije orijentišu prema izvozu na američko tržište. Ovakva situacija je učinila mnoge (posebno azijske) ekonomije u velikoj mjeri „zavisnim“ od američkog tržišta stimulirajući ih da akumuliraju velike količine vrijednosnih papira nominovanih u dolarima. Na ovaj način spriječena je deprecijacija dolara a u isto vrijeme je omogućeno američkim potrošačima da pod relativno povoljnim uvjetima dođu do novih kredita. Ovdje dolazi do izražaja jedan od paradoksa savremene ekonomije u kojoj američki potrošači svakodnevno bivaju kreditirani od ostatka svijeta (uključujući čak i Afriku). Drugim riječima, kupovinom američkih vrijednosnih papira ostatak svijeta omogućava SAD-u da finansira svoj deficit.

Ovdje treba napomenuti da jedna grupa mišljenja ne isključuje po automatizmu onu drugu pa tako veliki broj ekonomista upravo smatra da je kombinacija gore navedenih faktora prouzrokovala sadašnje stanje. Dodatne nesuglasice između ekonomskih analitičara se vežu za pitanje budućeg kretanja ovog debalansa u smislu njegovog obima i trajanja kao i načina povratka na održivo stanje. Da li će ovaj povratak biti postepen ili će biti popraćen sa ekonomskim šokovima u SAD-u ali i ostatku svijeta je pitanje koje je jednako često predmet ekonomskih rasprava. Pojedini analitičari danas nazivaju američke potrošače „motorom svjetskog ekonomskog rasta“ od kojeg zavise mnoge izvezno orijentisane privrede. Kada će se domaća potrošnja u drugim zemljama oporaviti i na koji način će se potrošnja u SAD-u korigovati ostaje da bude viđeno. Predviđanja recesije u SAD-u za 2007. godinu se sve češće mogu čuti. Rast cijena nafte, inflatorni pritisci, veliki budžetski deficit i već relativno niske


<sup>7</sup> Tekući račun se može izraziti na više načina: 1) Tekući račun = izvoza roba i usluga + neto tekući transferi iz inostranstva + neto dohodak iz inostranstva - uvoza roba i usluga, 2) Tekući račun = BDP + neto tekući transferi iz inostranstva + neto dohodak iz inostranstva - privatna i javna potrošnja - investicije.

kamatne stope u SAD-u ograničavaju prostor za djelovanje anticiklične monetarne i fiskalne politike i skreću dodatnu pažnju na ovakva upozorenja. Budući razvoj ovih događaja je u svakom slučaju i od velikog značaja za Bosnu i Hercegovinu jer bi svako značajnije usporavanje rasta svjetske ekonomije uticalo na smanjenje potražnje za BiH izvoznim proizvodima dok bi ekonomski šokovi i krize finansijskih sistema u drugim zemljama lančanim putem potencijalno ugrozili makroekonomsku stabilnost u BiH.

### Deficit tekućeg računa BiH: opasnost za BiH ekonomiju?

Tekući deficit Bosne i Hercegovine je u 2005. g. dostigao 22,9% BDP-a što predstavlja ekstreman iznos u međunarodnim razmjerama (Grafikon 4). Jedan od razloga za ovo je svakako i potcjenjen BDP koji se koristi u oficijelnim statistikama i koji ne uključuje na adekvatan način sivu ekonomiju. Ako koristimo procjenu Centralne banke o veličini sive ekonomije onda tekući deficit iznosi 17,2% što je i dalje veoma visoko. U 2005. g. je došlo do produbljivanja tekućeg deficita u odnosu na prethodnu godinu (Grafikon 5). Značajan dio ovog pogoršanja se može pripisati uvođenu poreza na dodatnu vrijednost koji je stimulirao akumulaciju zaliha krajem 2005. g, tj. prebacivanje jednog dijela uvoza iz 2006. u 2005. godinu. MMF procjenjuje visinu ovog efekta na 1,5% BDP-a.

Grafikon 4. Deficit tekućeg računa u 2005. godini, kao % BDP-a




Izvor: Narodna banka Hrvatske i Centralna banka BiH

Šta predstavlja deficit tekućeg računa? On nam govori da jedna zemlja potroši<sup>8</sup> više od nacionalnog dohotka kojeg ostvari. Deficit tekućeg računa Bosne i Hercegovine direktno je posljedica njenog trgovinskog deficita dok su sve ostale stavke tekućeg računa pozitivne<sup>9</sup>. Trgovinski deficit je u 2005. godini po statistici spoljne trgovine iznosio cijelih 51,6% BDP-a (oko 7,5 milijardi KM) što govori o nerazvijenosti BiH ekonomije i njenoj slabo konkurentnosti u odnosu na trgovinske partnere. Iako BiH izvoz raste brže nego uvoz, sam trgovinski deficit (razlika između uvoza i izvoza) još uvijek raste zbog relativno niske polazne osnovice izvoza.

<sup>8</sup> Ovdje podrazumijevamo privatnu potrošnju, javnu potrošnju i investicije.

<sup>9</sup> Bosna i Hercegovina ostvaruje suficit u trgovini uslugama kao i neto dohotku i tekućim transferima iz inostranstva.

Grafikon 5. Tekući deficit BiH i njegovi elementi, u milijardama KM



Izvor: Centralna banka BiH

Treba napomenuti da konvencionalna ekonomija ne smatra da je tekući deficit neophodno negativna stvar, posebno u slučajevima kada je on privremenog karaktera i kad zemlja ima razvojne potrebe. Logika iza ovog je da tekući deficit omogućava finansiranje investicija iznad nivoa domaće štednje i time omogućava brži ekonomski razvoj. Na Grafikonu 1. se može vidjeti da sve evropske zemlje u razvoju bilježe manje ili veće tekuće deficite. Ipak, postavlja se pitanje da li je ovaj (u BiH) ekstremno visok nivo tekućeg deficita održiv u uslovima režima fiksnog deviznog kursa kakav je na snazi u BiH., tj. postavlja se pitanje održivosti ili potencijalne ugroženosti valutnog odbora i povjerenja u KM. MMF je prošle godine objavio studiju<sup>10</sup> o međunarodnim iskustvima u zemljama sa velikim tekućim deficitima čiji je zaključak bio da su ove zemlje značajno češće povezane sa naglim promjenama deviznih kurseva. Sa druge strane, monetarni pokazatelji sugerišu da je povjerenje u KM još uvijek u uzlaznoj putanji. Još uvijek održiv nivo spoljnog duga kao i napredak BiH u procesu pridruživanja EU, koji će kao krajnji rezultat imati usvajanje eura, mogli bi biti neki od faktora koji potpomažu stabilnost KM-a.

Sljedeće pitanje koje se postavlja je kako uticati na trgovinski deficit i promijeniti njegovo kretanje. Svaka vlada na raspolaganju ima više mogućih opcija i pravaca djelovanja koje ugrubo možemo svrstati u četiri grupe:

1. „Zaštita“ domaće proizvodnje kroz ograničavanje uvoza u vidu uspostavljanja različitih trgovinski barijera (carine, uvozne kvote i sl.). Pored toga što je ovaj pristup u ekonomskoj teoriji i praksi diskreditovan za najveći broj slučajeva, on je za Bosnu i Hercegovinu danas i realno neostvariv. BiH se trenutno nalazi u procesu pristupanja regionalnom sporazumu o slobodnoj trgovini i članstvu u Svjetskoj trgovinskoj organizaciji od kojih svaki predviđa dalje umanjivanje trgovinskih barijera. Prema tome, možemo reći da kompanije u BiH u budućnosti mogu očekivati dalje pojačanje konkurencije na domaćem tržištu.

<sup>10</sup> Bosnia and Herzegovina: Selected Economic Issues, June 2005



2. **Upotreba monetarne politike:** a) u cilju devalvacije domaće valute koja čini domaće proizvode jeftinijim za strane kupce a strane proizvode skupljim za domaće potrošače, b) u cilju smanjenje rasta kredita i obuzdavanja domaće potrošnje. Opcija a) nije moguća zbog samog režima valutnog odbora (KM fiksiran za euro) dok je opcija b) moguća samo kroz promjenu stope obaveznih rezervi ali ne i kroz uticaj na kamatne stope. Treba napomenuti da su dometi politike obaveznih rezervi u ovu svrhu značajno ograničeni i da je ona već korištena pa je tako stopa obaveznih rezervi za banke podignuta sa 10 na 15% u decembru 2005. g.

3. **Provođenje ekonomskih reformi u cilju jačanja domaće ekonomije i izvoza.** Sve ekonomske reforme koje imaju za cilj poboljšanje poslovnog ambijenta, uređenje tržišta, harmonizaciju i primjenu zakona i veće učešće privatnog sektora su svakako mjere za dugoročno pospješivanje rasta izvoza. Pod ove ciljeve spada široki dijapazon reformi kao što su privatizacija, reforma korporativnog upravljanja, librelizacija tržišta rada ali i reforme direktnog i indirektnog oporezivanja koje su od velikog značaja za harmonizaciju i uspostavljanje jedinstvenog tržišta. Uvođenje PDV-a je svakako imalo velikog efekta na stimulaciju izvoza pružajući izvoznicima gotovo potpuno poresko rasterećenje, što nije bio slučaj u sistemu poreza na promet.

4. **Fiskalna politika.** Pod fiskalnom politikom u najjednostavnijem smislu podrazumijevamo donošenje odluka o visini i strukturi javnih prihoda i rashoda u cilju uticaja na rast ekonomije i druge makroekonomske parametre. U ovom smislu, uloga Fiskalnog vijeća (FV) kao krovnog tijela koje definira okvire fiskalne politike u BiH je ključna. Pa tako, odluka FV-a da se ostvari određeni nivo budžetskog suficita ili deficita na nivou BiH direktno se odražava na nivo potrošnje javnog sektora. Zašto je ovo važno? Poznato je da privatni sektor u BiH već niz godina ispoljava visoku sklonost prema potrošnji. Razvoj bankarskog sektora i rapidan rast kredita<sup>11</sup> omogućili su BiH domaćinstvima da uvećaju svoju potrošnju koja dalje uzrokuje rast uvoza. Produblјivanje tekućeg deficita, kako smo već spomenuli, u uslovima fiksnog deviznog kursa predstavlja potencijalnu opasnost za makroekonomsku stabilnost BiH. Ovdje „na scenu“ stupa FV koji kroz kontrolu ukupne potrošnje javnog sektora i ciljanje konsolidovanog budžetskog suficita reguliše svoj uticaj na deficit tekućeg računa. Naravno, **da bi se vodila odgovorna fiskalna politika, i da bi se uopće znalo da li javni sektor ostvaruje suficit ili deficit, neophodno je raspolagati ažurnim podacima o nivou i kretanju javnih prihoda i rashoda. Jedan od zadataka Odjeljenja za makroekonomsku analizu jeste upravo da prikuplja i objavlјuju podatke o izvršenju budžeta svih nivoa vlade u BiH.** Značaj vođenja precizne i informisane fiskalne politike za BiH je tim veća što je BiH, kroz aranžman valutnog odbora Centralne banke, praktično lišena diskrecije nad glavnim elementima monetarne politike. Treba napomenuti da se u vođenju fiskalne politike veoma često prepliću različiti interesi i uglovi gledanja. Pa tako, dok je obuzdavanje javne potrošnje i ciljanje budžetskog suficita konzistentno sa politikom ublažavanja tekućeg deficita, sa druge strane ova politika podrazumijeva odricanje dijela potrošnje koji bi mogao biti usmjeren u produktivne svrhe (razvoj infrastrukture, kapitalne investicije i sl.). Kompleksnost vođenja fiskalne politike se ogleda i kroz sljedeće aktuelne faktore od kojih su neki sukoblјavajući a koji se takođe moraju uzeti u obzir: rješavanje pitanja otplate unutrašnjeg duga, proces EU integracija i uspostave novih institucija, efekti poreskih reformi, rastući socijalni transferi, opterećenost privrede i učešće javnog sektora u BDP-u itd.

<sup>11</sup> Ukupni krediti u maju 2006. godine su iznosili više od 8,1 milijardi KM, što predstavlja povećanje od 75,7% za period od tri godine ili 24,7% za godinu dana.

## Zaključak

Rasplet neodrživih debalansa u svjetskoj ekonomiji, ukoliko bude praćen sa usporavanjem rasta i ekonomskim turbulencijama, odraziće se na rast BiH ekonomije i izvoza a takođe bi mogao ugroziti njenu makroekonomsku stabilnost. Ovakve prijetnje je posebno imati na umu pri vođenju fiskalne politike jer bi se takav negativan razvoj događaja neminovno odrazio i na fiskalnu poziciju BiH. U tom kontekstu, svako rashodovno planiranje obavezujućeg karaktera bazirano isključivo na trenutnom punjenju budžeta a koje ne ostavlja prostora za potencijalno fiskalno „manevrisanje“ se može pokazati veoma štetno.

Od četiri pravca djelovanja u cilju sprečavanja rasta tekućeg deficita, BiH praktično na raspolaganju ima dva: strukturne reforme i fiskalnu politiku. Dok primjenu fiskalne politike u ovu svrhu možemo nazvati „drugim najboljim rješenjem“, tj. terapijom koja kompenzuje probleme nastale na drugim mjestima, ubrzana provedba strukturnih ekonomskih reformi (od kojih su mnoge već u toku ili planirane) bi uspostavile osnove za razvoj konkurentnije BiH ekonomije sposobne da postepeno umanju veliki jaz između njenog uvoza i izvoza.

## Konsolidovani izvještaji

### Napomene za tabelu 1:

1. Konsolidovani izvještaj uključuje:
  - prihode od indirektnih poreza koje prikuplja Uprava za indirektno oporezivanje na Jedinstveni račun,
  - transfere sa Jedinstvenog računa UIO za servisiranje vanjskog duga,
  - transfere sa Jedinstvenog računa UIO za finansiranje Brčko Distrikta, kantona, općina i Direkcija za puteve,
  - prihode budžeta Bosne i Hercegovine sa Jedinstvenog računa UIO,
  - prihode i rashode budžeta Federacije BiH,
  - prihode i rashode budžeta Republike Srpske.
2. Podaci o prihodima i rashodima Federacije BiH i Republike Srpske nisu u potpunosti usklađeni zbog primjene različitih računovodstvenih metoda.

### Napomene za tabelu 2:

1. Konsolidovani izvještaj uključuje:
  - prihode i rashode budžeta Federacije BiH,
  - prihode i rashode budžeta kantona FBiH
  - prihode i rashode budžeta općina FBiH
2. Procijenjeni su podaci od kantona/općina koji nisu dostavili izvještaje, i to: Herceg-bosanska županija, općine Busovača, Drvar, Vitez i Gornji Vakuf. Podaci od Općine Ravno nisu uključeni u izvještaj zbog nedostatka dokumentacije potrebne za procjenu.

### Napomene za tabele 3 i 4

1. Rashodovna stavka kantonalnih budžeta „Grantovi drugim nivoima vlasti“ i „Kapitalni grantovi drugim nivoima vlasti“ netirana je sa prihodovnim stavkama općina „Grantovi od ostalih nivoa vlasti“ i „Kapitalne potpore od ostalih nivoa vlasti“;
2. U slučajevima kada je iznos grantova drugim nivoima vlasti na rashodovnoj strani kantona manji od primljenih grantova na stavkama općina, a obzirom da **rashodova stavka „Grantovi pojedincima“ u sebi sadrži i grantove usmjerene kroz općinske budžete**, Odjeljenje je postupilo na sljedeći način: Preostala razlika na stavkama općina „Grantovi od ostalih nivoa vlasti“ i „Kapitalne potpore od ostalih nivoa vlasti“ netirana je sa rashodovnom stavkom kantonalnog budžeta „Grantovi pojedincima“.

**Mjesečni konsolidovani izvještaj opća vlada I – VII 2006. godine**

pripremila: Aleksandra Regoje

mil KM

	I	II	III	IV	V	VI	VII	kv1	kv2	kv3	Ukupno
<b>Tekući Prihodi</b>	<b>218,1</b>	<b>360,4</b>	<b>384,9</b>	<b>342,7</b>	<b>401,7</b>	<b>385,4</b>	<b>494,3</b>	<b>963,4</b>	<b>1129,9</b>	<b>494,3</b>	<b>2587,6</b>
<i>Porezni prihodi</i>	206,0	343,9	355,1	330,5	382,5	368,1	375,6	904,9	1081,1	375,6	2361,6
<i>Indirektni porezi (i sredstva sa JR)</i>	190,7	322,6	323,6	315,9	366,4	351,2	357,0	836,9	1033,4	357,0	2227,3
<i>PDV</i>	57,3	212,7	203,7	194,4	224,3	215,4	215,6	473,7	634,1	215,6	1323,5
PDV na uvoze	56,5	102,6	136,7	134,2	165,7	159,2	161,1	295,8	459,2	161,1	916,1
PDV obaveza prema PDV prijavama	0,8	100,7	75,9	76,6	75,4	80,2	78,0	177,4	232,2	78,0	487,6
PDV prema automatskom razrezu od stane UIO			0,1	0,7	0,1	0,3	0,1	0,1	1,0	0,1	1,2
PDV jednokratne uplate	0,1	9,4	2,1	0,3	0,1	0,2	0,2	11,6	0,6	0,2	12,4
ostalo			0,1	0,1	0,2	0,3	0,8	0,1	0,5	0,8	1,3
<b>Povrat PDV</b>			<b>-11,2</b>	<b>-17,5</b>	<b>-17,2</b>	<b>-24,7</b>	<b>-24,5</b>	<b>-11,2</b>	<b>-59,5</b>	<b>-24,5</b>	<b>-95,1</b>
Carine	33,3	30,8	41,5	39,3	49,1	47,0	47,4	105,6	135,4	47,4	288,3
<b>Porez na promet</b>	<b>25,0</b>	<b>10,6</b>	<b>4,4</b>	<b>3,0</b>	<b>3,2</b>	<b>2,2</b>	<b>1,9</b>	<b>40,0</b>	<b>8,3</b>	<b>1,9</b>	<b>50,2</b>
uvozni akcizni proizvodi	7,8	0,2	0,0	0,0	0,2	0,0	0,0	8,0	0,2	0,0	8,3
domaći akcizni proizvodi	1,1	2,0	0,2	0,1	0,1	0,1	0,0	3,3	0,4	0,0	3,7
ostali proizvodi	9,4	4,1	2,3	1,2	1,2	0,9	0,8	15,8	3,4	0,8	19,9
na usluge	6,5	4,0	1,7	0,9	0,7	0,4	0,4	12,2	2,0	0,4	14,7
ostalo	0,2	0,3	0,2	0,7	0,9	0,7	0,6	0,7	2,3	0,6	3,6
<b>Akciza</b>	<b>62,8</b>	<b>56,9</b>	<b>63,1</b>	<b>66,4</b>	<b>74,0</b>	<b>72,2</b>	<b>76,1</b>	<b>182,8</b>	<b>212,6</b>	<b>76,1</b>	<b>471,4</b>
uvozni pr.	50,5	45,7	48,4	54,1	58,0	57,5	61,9	144,6	169,6	61,9	376,1
u zemlji	12,3	11,2	14,7	12,3	16,0	14,7	14,2	38,2	43,0	14,2	95,3
Putarina	11,9	11,2	12,1	14,3	15,9	14,3	15,8	35,1	44,5	15,8	95,4
Ostalo	0,4	0,5	0,7	0,7	0,9	0,9	0,9	1,6	2,5	0,9	4,9
<b>Ostali povrati</b>			<b>-1,9</b>	<b>-2,2</b>	<b>-1,0</b>	<b>-0,7</b>	<b>-0,6</b>	<b>-1,9</b>	<b>-3,9</b>	<b>-0,6</b>	<b>-6,5</b>
<b>Direktni porezi</b>	<b>15,3</b>	<b>21,3</b>	<b>31,5</b>	<b>14,7</b>	<b>16,1</b>	<b>17,0</b>	<b>18,6</b>	<b>68,0</b>	<b>47,7</b>	<b>18,6</b>	<b>134,3</b>
Porezi na dohodak i dobit	6,9	10,3	20,0	3,6	3,4	5,5	5,6	37,3	12,4	5,6	55,3
Ostali poreski prihodi	8,4	10,9	11,4	11,0	12,7	11,5	13,0	30,7	35,3	13,0	79,0
<i>Neporezni prihodi</i>	11,6	16,1	29,7	12,0	19,0	16,9	118,6	57,3	47,9	118,6	223,9
<i>Ostali prihodi</i>	0,0	0,0	0,0	0,1	0,1	0,1	0,0	0,0	0,3	0,0	0,3
<i>Donacije/grantovi</i>	0,0	0,3	0,1	0,0	0,0	0,2		0,4	0,3		0,6
<i>Transferi viših nivoa</i>	0,5	0,1	0,1	0,1	0,1	0,1	0,1	0,7	0,3	0,1	1,2

mil KM

	I	II	III	IV	V	VI	VII	kv1	kv2	kv3	Ukupno
<b>Tekući Rashodi</b>	<b>203,4</b>	<b>298,8</b>	<b>221,3</b>	<b>339,6</b>	<b>402,0</b>	<b>370,4</b>	<b>354,7</b>	<b>723,5</b>	<b>1112,0</b>	<b>354,7</b>	<b>2190,2</b>
<i>Tekući izdaci</i>	28,5	43,5	46,7	48,2	49,1	62,5	43,7	118,8	159,8	43,7	322,3
<i>Plaće i naknade</i>	25,8	37,4	39,6	40,5	41,7	53,1	35,0	102,8	135,4	35,0	273,2
Plaće	24,9	34,7	36,5	37,2	38,4	47,7	30,0	96,0	123,3	30,0	249,4
Naknade	0,9	2,8	3,1	3,3	3,3	5,4	4,9	6,8	12,1	4,9	23,8
<i>Izdaci za materijal i usluge</i>	2,8	6,0	7,1	7,6	7,4	9,3	8,7	16,0	24,4	8,7	49,1
<i>Grantovi/Socijalni transferi/Subvencije</i>	37,5	10,3	51,3	60,5	90,1	70,6	67,5	99,1	221,2	67,5	387,8
Transferi domaćinstvima	32,5	3,6	45,2	38,3	68,7	53,7	41,8	81,2	160,7	41,8	283,8
Transferi organizacijama/institucijama	0,8	0,8	2,3	6,0	4,7	3,2	5,2	3,9	13,8	5,2	22,9
Subvencije	4,2	5,9	3,9	16,2	16,7	13,7	20,5	14,0	46,6	20,5	81,1
<i>Plaćanje kamate</i>	0,0	0,5	0,4	-0,3	0,1	0,4	0,0	0,9	0,2	0,0	1,1
<i>Ostali izdaci/potrošnja/transferi</i>	0,8	2,3	1,7	6,7	3,6	3,7	3,5	4,8	14,0	3,5	22,4
<i>Transferi sa JR</i>	126,4	209,7	95,3	174,6	198,2	194,3	208,7	431,4	567,1	208,7	1207,1
Budžet BiH	41,1	39,2	43,1	59,4	48,5	48,5	46,2	123,4	156,3	46,2	325,9
FBiH	67,6	145,7	23,7	94,3	113,9	115,9	124,7	237,0	324,1	124,7	685,8
RS	13,1	15,6	18,7	11,6	24,3	19,7	28,8	47,4	55,6	28,8	131,8
Brčko	4,5	9,3	9,8	9,2	11,6	10,2	9,0	23,6	31,0	9,0	63,5
<i>Amortizacija vanjskog duga</i>	8,0	27,4	21,8	17,4	34,8	20,3	10,2	57,2	72,5	10,2	140,0
<i>Transferi općinama</i>	3,1	4,8	4,7	37,7	25,0	18,8	21,7	12,5	81,5	21,7	115,8
<i>Neto pozajmljivanje*</i>	-0,9	0,4	-0,6	-5,2	1,1	-0,2	-0,7	-1,1	-4,3	-0,7	-6,1
<b>Neto nabavka nefinansijskih sredstava</b>	<b>-22,9</b>	<b>0,4</b>	<b>0,5</b>	<b>0,4</b>	<b>1,5</b>	<b>3,9</b>	<b>22,1</b>	<b>-22,0</b>	<b>5,8</b>	<b>22,1</b>	<b>5,9</b>
<b>Vladin sulficit (+)/ deficit(-)</b>	<b>37,6</b>	<b>61,2</b>	<b>163,1</b>	<b>2,7</b>	<b>-1,8</b>	<b>11,2</b>	<b>117,5</b>	<b>261,9</b>	<b>12,1</b>	<b>117,5</b>	<b>391,5</b>
od čega: Rezerve sa jedinstvenog računa UIO	16,2	31,6	20,6	13,7	20,8	12,5	14,1	68,4	47,0	14,1	129,5
<b>Neto finansiranje**</b>		<b>19,1</b>	<b>-0,6</b>	<b>-1,4</b>	<b>-1,3</b>	<b>-1,2</b>	<b>-1,6</b>	<b>18,5</b>	<b>-3,9</b>	<b>-1,6</b>	<b>13,0</b>

\*Neto pozajmljivanje=Pozajmljivanje -primljene otplate datih zajmova

\*\*Neto finansiranje = Primljeni krediti - otplate kredita

Tabela 1. Mjesečni konsolidovani izvještaj opća vlada I-VII 2006. godine

## Konsolidovani izvještaj FBiH

pripremila: Aleksandra Regoje

Federacija BiH, 2006	Konsolidovano			Budzet FBiH			Kantoni			Općine		
	I	II	III	I	II	III	I	II	III	I	II	III
<b>Prihodi</b>	127.689.071	96.576.863	361.234.845	17.907.281	11.909.586	154.818.932	86.141.218	55.739.747	174.894.272	26.171.489	33.385.306	39.174.174
<b>Prihodi od poreza</b>	103.046.338	61.613.878	313.038.429	12.455.518	6.921.536	139.493.619	76.012.850	41.296.116	154.264.859	14.577.970	13.396.225	19.279.952
Porezi na dobit pojedinaca i preduzeća	10.921.889	13.213.665	14.362.595	6.114.146	6.699.726	6.374.986	3.902.133	4.988.129	6.576.342	905.610	1.525.810	1.411.267
Porezi na plaće i radnu snagu	12.607.334	11.639.311	14.097.787	0	0	0	10.416.112	9.438.580	11.767.885	2.191.222	2.200.731	2.329.901
Porez na imovinu	5.515.004	6.559.347	5.164.713	0	0	0	992.336	2.029.481	609.280	4.522.668	4.529.867	4.555.433
Porezi na robu i usluge po propisima do 31.12.2005.	56.405.256	26.633.309	13.884.968	24.112	11.863	36.493	50.508.949	22.390.775	11.199.267	5.872.195	4.230.671	2.649.208
Transferi sa Jedins računa	16.639.324	2.427.859	262.178.515	6.123.688	0	132.868.479	10.025.300	2.206.668	122.122.816	490.336	221.191	7.187.220
Ostali porezi	957.531	1.140.387	3.349.851	193.571	209.948	213.662	168.020	242.483	1.989.268	595.939	687.956	1.146.922
<b>Neporezni prihodi</b>	24.425.107	33.532.594	47.526.723	5.451.764	4.959.251	15.325.313	9.829.420	12.634.827	16.933.645	9.143.923	15.938.516	15.267.765
<b>Grantovi</b>	166.067	997.475	352.193	0	0	0	298.948	1.808.804	3.695.768	2.398.036	3.646.447	4.308.957
Grantovi iz inostranstva	166.067	997.475	352.193	0	0	0	34.532	813.391	162.010	131.535	184.084	190.183
Grantovi od ostalih nivoa vlasti	0	0	0	0	0	0	264.415	995.412	3.533.758	2.266.502	3.462.363	4.118.774
<b>Ostali prihodi</b>	51.560	432.916	317.501	0	28.799	0	0	0	0	51.560	404.117	317.501
<b>Rashodi</b>	132.472.192	147.205.661	181.876.815	27.175.945	15.754.671	43.712.747	89.108.413	108.809.878	113.309.075	18.718.750	27.098.888	32.507.526
<b>Tekući izdaci</b>	132.544.022	147.237.112	185.119.484	27.175.945	15.754.671	43.712.747	89.277.898	108.918.046	116.534.441	18.621.096	27.022.171	32.524.829
Plaće i naknade	62.306.351	74.448.735	78.746.863	134.932	9.402.532	9.425.374	53.955.172	54.763.104	57.847.621	8.216.246	10.283.100	11.473.867
od čega: Bruto plaće	51.975.097	60.653.481	63.324.890	0	7.365.574	7.185.828	45.760.698	45.626.943	47.655.584	6.214.400	7.660.964	8.483.479
od čega: Naknade	10.331.253	13.795.255	15.421.972	134.932	2.036.958	2.239.547	8.194.474	9.136.161	10.192.037	2.001.846	2.622.136	2.990.388
Doprinosi poslodavca i ostali doprinosi	6.220.714	7.539.803	7.642.932	0	921.558	891.016	5.537.233	5.483.304	5.742.499	683.482	1.134.941	1.009.418
Izdaci za materijal i usluge	13.166.440	21.922.699	23.716.917	759.550	2.210.081	3.425.288	8.842.366	14.028.954	13.691.874	3.564.524	5.683.664	6.599.755
Grantovi	49.837.321	41.401.249	72.576.723	26.233.822	2.781.194	29.735.272	20.858.699	34.592.890	39.029.575	5.275.718	8.484.941	11.464.408
od čega: Grantovi drugim nivoima vlade	3.467.992	4.549.749	3.813.232	1.258.504	2.328.979	2.301.498	3.757.393	4.741.744	5.515.035	983.012	1.936.801	3.649.231
Izdaci za kamate i ostale naknade	324.370	740.880	721.310	47.642	439.306	235.797	84.428	49.793	222.871	192.300	251.780	262.643
<b>Doznake nižim potrošačkim jedinicama</b>	688.827	1.183.746	1.714.738	0	0	0	0	0	0	688.827	1.183.746	1.714.738
<b>Neto pozajmljivanje*</b>	-71.830	-31.451	-3.242.669	0	0	0	-169.484	-108.168	-3.225.366	97.654	76.717	-17.303
<b>Neto nabavka nefinansijskih sredstava</b>	2.149.379	1.130.792	5.173.816	0	1.170	197.790	1.342.290	1.132.424	2.043.565	807.089	-2.802	2.932.460
<b>Vladin sulficit/deficit</b>	-6.932.499	-51.759.590	174.184.214	-9.268.664	-3.846.254	110.908.395	-4.309.485	-54.202.556	59.541.632	6.645.650	6.289.220	3.734.188
<b>Neto finansiranje**</b>	-25.599	12.401.218	-567.601	0	12.598.096	-388.888	-36.052	-24.998	-25.072	10.453	-171.880	-153.641

Napomena: Procijenjeni su podaci od kantona/ općina koji nisu dostavili izvještaj i to: Herceg-bosanska županija, općine Busovača, Gornji Valuf, Vitez i Drvar. Podaci od Općine Ravno nisu uključeni zbog nedostataka dokumentacije potrebne za procjenu

Tabela 2. Konsolidovani izvještaj FBiH

## Konsolidovani izvještaj Zeničko-dobojski kanton I-VI 2006. godine

pipremila: Aleksandra Regoje

	I	II	III	IV	V	VI	Q1	Q2	Ukupno
<b>Prihodi</b>	<b>14.298.847</b>	<b>7.613.052</b>	<b>37.168.513</b>	<b>18.659.127</b>	<b>20.835.779</b>	<b>22.867.285</b>	<b>59.080.412</b>	<b>62.362.191</b>	<b>121.442.604</b>
<b>Prihodi od poreza</b>	<b>11.474.926</b>	<b>4.695.665</b>	<b>32.619.768</b>	<b>15.637.471</b>	<b>17.870.614</b>	<b>19.331.294</b>	<b>48.790.359</b>	<b>52.839.379</b>	<b>101.629.738</b>
Porezi na dobit pojedinaca i preduzeća	597.651	578.673	379.738	445.291	1.184.729	594.352	1.556.063	2.224.372	3.780.434
Porezi na plaće i radnu snagu	1.644.457	297.266	2.104.171	2.011.875	2.284.532	1.912.552	4.045.894	6.208.959	10.254.852
Porez na imovinu	372.990	1.564.078	727.961	630.257	423.130	515.746	2.665.030	1.569.132	4.234.162
Domaći porezi na dobra i usluge (po propisima do 31,12,2005)	7.370.780	2.148.140	2.305.680	817.063	919.597	2.015.799	11.824.600	3.752.458	15.577.058
Transferi sa Jedinstvenog računa	1.448.218	40.808	26.992.150	11.687.781	12.994.875	14.236.122	28.481.175	38.918.778	67.399.954
Ostali porezi	40.830	66.700	110.067	45.204	63.752	56.724	217.598	165.680	383.278
<b>Neporezni prihodi</b>	<b>2.817.076</b>	<b>2.866.430</b>	<b>4.509.626</b>	<b>3.021.657</b>	<b>2.956.747</b>	<b>3.189.067</b>	<b>10.193.132</b>	<b>9.167.470</b>	<b>19.360.602</b>
<b>Tekuće potpore (Grantovi)</b>	<b>0</b>	<b>50.957</b>	<b>39.119</b>	<b>0</b>	<b>8.418</b>	<b>34.937</b>	<b>90.076</b>	<b>43.355</b>	<b>133.431</b>
od čega: Grantovi iz inostranstva	0	46.674	37.369	0	0	31.937	84.043	31.937	115.980
od čega: Grantovi od ostalih nivoa vlasti	0	4.283	1.750	0	8.418	3.000	6.033	11.418	17.451
<b>Kapitalni grantovi</b>	<b>6.845</b>	<b>0</b>	<b>0</b>	<b>0</b>	<b>0</b>	<b>311.987</b>	<b>6.845</b>	<b>311.987</b>	<b>318.832</b>
<b>Ostali prihodi</b>	<b>0</b>	<b>0</b>	<b>0</b>	<b>0</b>	<b>0</b>	<b>0</b>	<b>0</b>	<b>0</b>	<b>0</b>
<b>Rashodi</b>	<b>13.111.540</b>	<b>15.025.602</b>	<b>16.509.275</b>	<b>16.798.492</b>	<b>16.240.772</b>	<b>17.582.932</b>	<b>44.646.417</b>	<b>50.622.195</b>	<b>95.268.612</b>
<b>Tekući izdaci</b>	<b>13.116.540</b>	<b>15.025.602</b>	<b>16.509.275</b>	<b>16.798.492</b>	<b>16.240.772</b>	<b>17.582.932</b>	<b>44.651.417</b>	<b>50.622.195</b>	<b>95.273.612</b>
Plaće i naknade	7.519.840	8.191.324	8.312.479	8.210.224	8.290.918	8.347.599	24.023.643	24.848.741	48.872.383
od čega: Bruto plaće	6.308.354	6.775.642	6.713.910	6.830.023	6.835.822	6.772.108	19.797.907	20.437.953	40.235.859
od čega: Naknade	1.211.485	1.415.682	1.598.568	1.380.201	1.455.096	1.575.490	4.225.736	4.410.788	8.636.524
Doprinosi poslodavca i ostali doprinosi	751.679	805.822	813.840	826.219	810.511	821.258	2.371.340	2.457.989	4.829.329
Izdaci za materijal i usluge	2.377.377	3.315.587	3.170.286	3.070.810	2.981.777	3.197.797	8.863.250	9.250.385	18.113.634
Tekući grantovi	2.008.800	2.308.270	3.415.898	3.087.018	3.328.275	3.880.124	7.732.967	10.295.417	18.028.385
od čega: Grantovi drugim nivoima vlade	32.908	72.146	90.057	122.937	70.488	85.127	195.111	278.552	473.663
od čega: Grantovi pojedincima	1.091.202	1.563.486	2.058.527	1.524.097	1.462.144	1.889.347	4.713.215	4.875.588	9.588.803
Kapitalni grantovi	173.542	201.984	333.631	1.138.907	543.435	758.807	709.156	2.441.149	3.150.306
od čega: Kapitalni grantovi drugim nivoima vlade	900	55.789	4.400	8.972	89.395	34.758	61.089	133.125	194.214
Izdaci za kamate i ostale naknade	75.916	5.842	3.605	19.310	7.192	3.601	85.363	30.103	115.466
Doznake nižim potrošačkim jedinicama	209.387	196.774	459.536	446.003	278.664	573.745	865.697	1.298.412	2.164.109
<b>Neto pozajmljivanje*</b>	<b>-5.000</b>	<b>0</b>	<b>0</b>	<b>0</b>	<b>0</b>	<b>0</b>	<b>-5.000</b>	<b>0</b>	<b>-5.000</b>
<b>Neto nabavka nefinansijskih sredstava</b>	<b>466.307</b>	<b>-241.976</b>	<b>612.155</b>	<b>168.650</b>	<b>1.672.300</b>	<b>2.766.889</b>	<b>836.486</b>	<b>4.607.839</b>	<b>5.444.325</b>
<b>Vladin sulficit/deficit</b>	<b>721.000</b>	<b>-7.170.574</b>	<b>20.047.084</b>	<b>1.691.985</b>	<b>2.922.708</b>	<b>2.517.465</b>	<b>13.597.509</b>	<b>7.132.158</b>	<b>20.729.667</b>
<b>Neto finansiranje**</b>	<b>-25.281</b>	<b>-12.498</b>	<b>-12.498</b>	<b>0</b>	<b>-24.996</b>	<b>-12.498</b>	<b>-50.276</b>	<b>-37.493</b>	<b>-87.770</b>

\*Neto pozajmljivanje= Pozajmljivanje - primljene otplate datih zajmova

\*\*Neto finansiranje = Primljeni krediti - otplate kredita

Tabela 3. Konsolidovani izvještaj Zeničko-dobojski kanton I-VI 2006. godine

## Konsolidovani izvještaj Tuzlanski kanton I-VI 2006. godine

pipremila: Aleksandra Regoje

	I	II	III	IV	V	VI	Q1	Q2	Ukupno
<b>Prihodi</b>	<b>15.178.261</b>	<b>12.321.061</b>	<b>11.819.635</b>	<b>53.892.776</b>	<b>44.650.877</b>	<b>34.337.180</b>	<b>39.318.957</b>	<b>132.880.833</b>	<b>172.199.790</b>
<b>Prihodi od poreza</b>	<b>12.508.362</b>	<b>8.562.735</b>	<b>6.572.383</b>	<b>47.002.464</b>	<b>39.455.445</b>	<b>28.462.098</b>	<b>27.643.480</b>	<b>114.920.007</b>	<b>142.563.487</b>
Porezi na dobit pojedinaca i preduzeća	435.859	554.525	669.732	717.821	679.984	985.130	1.660.116	2.382.934	4.043.051
Porezi na plaće i radnu snagu	2.237.678	2.257.538	2.413.105	2.528.782	2.636.834	2.680.117	6.908.320	7.845.732	14.754.053
Porez na imovinu	733.417	600.188	736.950	829.376	827.462	842.838	2.070.555	2.499.676	4.570.231
Domaći porezi na dobra i usluge (po propisima do 31,12,2005)	7.447.212	5.111.557	2.655.847	2.606.310	3.158.602	3.167.716	15.214.616	8.932.628	24.147.244
Transferi sa Jedinstvenog računa	1.629.766	0	22.833	39.916.128	32.101.228	20.736.459	1.652.599	92.753.814	94.406.413
Ostali porezi	24.430	38.928	73.916	404.048	51.335	49.838	137.274	505.221	642.495
<b>Neporezni prihodi</b>	<b>2.669.861</b>	<b>3.747.891</b>	<b>5.225.827</b>	<b>6.888.956</b>	<b>5.211.199</b>	<b>5.857.179</b>	<b>11.643.580</b>	<b>17.957.334</b>	<b>29.600.913</b>
<b>Tekuće potpore (Grantovi)</b>	<b>37</b>	<b>10.435</b>	<b>21.425</b>	<b>407</b>	<b>-15.768</b>	<b>2.372</b>	<b>31.897</b>	<b>-12.988</b>	<b>18.909</b>
od čega: Grantovi iz inostranstva	0	3.435	21.425	407	-15.768	2.372	24.860	-12.988	11.872
od čega: Grantovi od ostalih nivoa vlasti	37	7.000	0	0	0	0	7.037	0	7.037
<b>Kapitalni grantovi</b>	<b>0</b>	<b>0</b>	<b>0</b>	<b>0</b>	<b>0</b>	<b>3.360</b>	<b>0</b>	<b>3.360</b>	<b>3.360</b>
<b>Ostali prihodi</b>	<b>0</b>	<b>0</b>	<b>0</b>	<b>949</b>	<b>0</b>	<b>12.171</b>	<b>0</b>	<b>13.120</b>	<b>13.121</b>
<b>Rashodi</b>	<b>19.051.202</b>	<b>20.368.884</b>	<b>22.112.384</b>	<b>23.565.687</b>	<b>24.999.506</b>	<b>31.625.309</b>	<b>61.532.471</b>	<b>80.190.502</b>	<b>141.722.973</b>
<b>Tekući izdaci</b>	<b>19.093.280</b>	<b>20.420.294</b>	<b>22.127.575</b>	<b>23.672.767</b>	<b>25.023.553</b>	<b>31.324.014</b>	<b>61.641.149</b>	<b>80.020.333</b>	<b>141.661.482</b>
Plaće i naknade	12.679.162	12.608.910	14.048.209	13.492.221	13.870.205	16.745.740	39.336.280	44.108.166	83.444.446
od čega: Bruto plaće	10.677.775	10.414.128	11.660.446	11.115.881	11.315.167	11.361.376	32.752.349	33.792.425	66.544.773
od čega: Naknade	2.001.386	2.194.782	2.387.763	2.376.340	2.555.038	5.384.364	6.583.931	10.315.742	16.899.673
Doprinosi poslodavca i ostali doprinosi	1.278.052	1.246.232	1.390.041	1.320.191	1.347.034	1.358.806	3.914.326	4.026.031	7.940.357
Izdaci za materijal i usluge	2.115.247	3.738.563	3.662.782	3.915.804	4.580.489	5.516.890	9.516.592	14.013.182	23.529.774
Tekući grantovi	2.847.496	2.417.507	2.515.945	4.226.669	4.279.271	6.378.589	7.780.948	14.884.529	22.665.477
od čega: Grantovi drugim nivoima vlade	45.110	348.764	38.329	137.978	155.740	145.150	432.203	438.867	871.071
od čega: Grantovi pojedincima	2.050.589	1.152.987	1.158.681	1.306.053	801.063	2.903.130	4.362.257	5.010.246	9.372.504
Kapitalni grantovi	55.662	152.610	280.813	314.971	515.653	903.765	489.086	1.734.389	2.223.475
od čega: Kapitalni grantovi drugim nivoima vlade	40.662	99.342	248.272	151.428	283.260	564.796	388.277	999.483	1.387.760
Izdaci za kamate i ostale naknade	7.063	22.570	24.576	33.022	120.278	35.598	54.208	188.898	243.106
Doznake nižim potrošačkim jedinicama	110.597	233.902	205.209	369.889	310.624	384.626	549.708	1.065.139	1.614.847
<b>Neto pozajmljivanje*</b>	<b>-42.077</b>	<b>-51.410</b>	<b>-15.190</b>	<b>-107.079</b>	<b>-24.047</b>	<b>301.295</b>	<b>-108.677</b>	<b>170.169</b>	<b>61.491</b>
<b>Neto nabavka nefinansijskih sredstava</b>	<b>278.235</b>	<b>428.359</b>	<b>866.163</b>	<b>876.397</b>	<b>1.194.119</b>	<b>1.547.949</b>	<b>1.572.757</b>	<b>3.618.465</b>	<b>5.191.223</b>
<b>Vladin sulficit/deficit</b>	<b>-4.151.177</b>	<b>-8.476.182</b>	<b>-11.158.913</b>	<b>29.450.692</b>	<b>18.457.252</b>	<b>1.163.922</b>	<b>-23.786.271</b>	<b>49.071.866</b>	<b>25.285.594</b>
<b>Neto finansiranje**</b>	<b>-46.544</b>	<b>-76.027</b>	<b>-57.743</b>	<b>-147.555</b>	<b>-113.808</b>	<b>-116.819</b>	<b>-180.314</b>	<b>-378.182</b>	<b>-558.496</b>

\*Neto pozajmljivanje=Pozajmljivanje -primljene otplate datih zajmova

\*\*Neto finansiranje = Primljeni krediti - otplate kredita

Tabela 4. Konsolidovani izvještaj Tuzlanski kanton I-VI 2006. godine